



UNIVERSITÄTS-
BIBLIOTHEK
PADERBORN

**COLLATIO-||NVM SACRARVM|| LIBRI VIII.|| Tilmanni
Bredenbachij S. Th. D.||**

Bredenbach, Tilmann

Coloniae Agrippinae, 1592

VD16 B 7378

13. De Baraca nauta per salutarem hostiam SS. Eucharistiæ à naufragio
liberato.

[urn:nbn:de:hbz:466:1-65002](https://nbn-resolving.org/urn:nbn:de:hbz:466:1-65002)

alia faciebant & dicebant, quæ anima, quæ te-
lem vidisset, faceret & diceret: & quemadmo-
dum ei tanquam iam mortuo fecerant iusta
quæ sunt mortuis, & cum eum docuissent,
quinam essent ij dies, nempe dies sanctorum
Theophaniorum, & dies salutaris Paschæ, &
dies sanctæ Pentecostes. Hæc cum ille audi-
uisset, & in memoriam reuocasset, parentibus
affirmabat, quod his ipsis diebus relaxabatur
vinculis aduentu cuiusdam, qui gestabat lam-
padem, & fruebatur omni securitate: diebus
autem sequentibus tenebatur vinculis, sicut
prius.

*D. Gregorius Magnus lib. 4. Dialogorum cap. 57. De
Baraca nauta per salutarem hostiam SS. Euchari-
stie à naufragio liberato.*

CAP. XIII.

AGathus Panormitanus Episcopus, sicut
fideles mihi ac religiosi viri multi testan-
tuntur, cum beatæ memoriæ antecessoris mei
tempore iussus esset ut Romanam veniret, vim
nimiam tempestatis pertulit, ita ut se ex tanto
vndarum periculo euadere possit diffideret.
Nauta verò illius Baraca nomine, qui nunc
eiusdem Ecclesiæ clericatus officio fungitur,
post nauem carabum regebat, ruptaque fune
cum eodem carabo quem regebat inter vndarum
cumulos repente disparuit. Nauis autem cui
Episcopus præerat, tandem post multa pericula
ad Vsticam insulam fluxit.

atibus quassata peruenit. Cumque die tertio
Episcopus nauam, qui ab eo abreptus in cara-
bo fuerat, in nulla maris parte videret appare-
re, vehementer afflictus mortuum credidit,
sed per obsequium charitatis viuo vnum quod
mortuo debebat, impendit: & omnipotenti
Deo pro absolutione eius animę offerre sacri-
ficium victimę salutaris iubet. Quo oblato,
restaurata naue perrexit ad Italiam. Cumq; ad
Romanum portum venisset, illic nauam re-
perit, quem mortuum putabat. Tunc inopi-
nata exultatione gauisus, & eum qualiter tor-
diebus in illo tanto maris periculo viuere po-
tuisset, inquisiuit. Qui videlicet indicauit,
quoties in illius tempestatis fluctibus cum eo-
dem quem regebat, fuisset carabo versatus,
qualiter cum illo vndis pleno natauerat: &
quoties eo à superiori parte deorsum verso
ipsę carinę eius superfederet, adiungens cum
diebus ac noctibus hoc incessanter faceret,
iamque eius virtus funditus ex fame simul &
labore cecidisset, quo eum ordine diuina mi-
sericordia seruauerit, indicauit. Etenim quod
etiam nunc vsque testatur dicens: Laborans in
fluctibus atque deficiens, subito mentis pon-
dere sum grauatus, ita vt neq; vigilare me cre-
derem, neque depressus summo essem: & ecce
in eodem medio mari me posito, quidam ap-
paruit, qui mihi panem ad refectiorem detu-
lit. Quem mox vt comedi, vires recepi, nec

longè post nauis transiens affuit, quæ me ab illo vndarum periculo suscepit atque ad terram deduxit. Quod scilicet Episcopus audiens requisit diem, atque illum fuisse diem reperit, quo pro eo presbyter in Vstica insula Deo omnipotenti hostiam sacræ oblationis immolauit.

D. Gregorius Magnus hom. 37. in Euangelia de Cassio Narniensi Episcopo, quotidianas Deo hostias offerente.

CAP. XIII.

Multi vestrum fratres charissimi Cassius Narniensis vrbis Episcopum nouerunt cui mos erat, quotidianas Deo hostias offerre, ita vt pene nullus dies vitæ eius abscederet quo non omnipotenti Deo hostiam placationis immolaret. Cui cum sacrificio valdè etiam concordabat vita. Nam cuncta quæ habebat in elemosynis tribuens, cum ad horam offerendi sacrificij venisset, velut totus in lacrymis defluens, semetipsum cum magna cordis contritione mactabat. Cuius & vitæ et exitum à quodâ venerabilis vitæ Diacono, qui fuerat ab eo nutritus, referente cognoui. Aiebat enim quod quadâ nocte eius presbytero per visum Dominus adstitit, dicens: Vade, & dic Episcopo: Age quod agis, operare quod operaris, nec cesset pes tuus, non cesset manus tua, natali postolorum venies ad me, & retribuam tibi mercedem tuam. Surrexit presbyter: sed qui